


www.BibleForChildren.org

Mateu 26



Hiki 'ataxewi
tukari
heuyewekaku
Patsikwa maye'aniki,
Ketsutsi Wetaniya
kaninuani hakewa
Ratsaru manukatei, Ketsutsi
menukuketia mikite watsata.
Hiki Mariya naaru
witsimu'ia hikame waikawa
miraye'axe kane'ini, meriyu
kiruyari hepai paimeme, Ketsutsi
ketateyatsie kanikawirieni. Ketateya
kaniukawatsiixa yikipaki. Naitsarie kiita
witsikatiniuye'iakaitini naaruki.



Hiki Kura 'Itsikariutitanaka, tamamata heimana
memiyuhuta miwanikai, kaneyani mawari wewiwamete
tewa'aitiwamete wahetsia Ketsutsi
yetuanike. Miki me'i'enieka
mekaniyutemamawiekaitini.
Mipai mekatenitahiawe
kename tumini
me'i'itianikekai.
Hiki miki
katinikuwaunekaitini
kepauka 'aixia
miyinikekai
miyetuaniki.



Hiki Ketsutsi kemitiwaruta'aitia
yamepite'uyuri, 'aixia mepikuyuri
Patsikwa 'ikwaiyari. Hiki
metekwakaku Ketsutsi paa
kananuku'ini, 'aixia 'utayika
Kakaiyari hepaitisita paa hepaitisita,
kanititara kaniwarumini
teyi'ikitiwamete, mipai tiwakihaweti:
—Xekenanu'ii meta
xekeneutikwa'i,
'iki
kaninewaiyaritini.



'Ariketa tekixi kananukuhana,
pamipariyutsi 'ipitiaka Kakaiyari,
kaniwaru'itiani mipai tiwakihiaweti:
—Yunaiti xekenanuti'iexia 'iki.



'Iki kaninexuriyatini, miki tiratu
mihekwa 'aixia kaniyurimiki
Kakaiyari meta yuteiterima
wahamatia mieme. Yumiireme
wahetsiemieme kanitayeurimiki
Memiteheuyehiwiyarineniki
ke'axamemite'uyuriki.



»Neuxei, Tsimuni, yumarima 'aixia, Kauyumarie
pixe'uta'iwau, pixeta'iniata, pixetikatse tiriku hepai.
Ne matsi nepinetanenewi 'ahetsiemieme
pemikatihayewaki yuri peti'erieti. 'Ekita kepauka
pemitihayewa peheuyewautseti keniwatuikani
'a'iwama». Miki mipai katinitahiawe: —Ti'aitame,
nepinewairiya
'ahetsie nemitiwiyani
tsepa
nemanutahiya
tsepa nemumierie.




Ketsutsi mipai katinitahiawe: —Pekuru 'aku, mipai
nepimatikihiawe, wakana katahiwawekaku 'akuxi hiki,
'eki haikakia pekani'aku'imawamiki, kename
pekanetsimate pe'utaiti.



Hikita Ketsutsi
teyu'ikitiwamete
warawititi kaneyani
Ketitsemani
reyetewakaku. Mipai
katiniwarutahiawe:
«'Ena xekenekuteni mexi
huma nepiyunenewimie».
Mipai kaniutainekaitini:
«Ne'ukiyari 'aku, naimeki
pepiyiwe 'eki. Yanepira'
eriwakaku mika'aye'aniki
kenemitikwinitarieni, peru
keminetinake ne pikatixai,
'eki pita kemimatinake».



Kura kuyaxi warawititi, tukita tehiwemete mawari
wewiwamete tewa'aitiwamete wahetsia miemete meta
paritseutsixi wahetsia miemete warawititi,
mana kaninuani 'utsiki me'ukixeti, meta
tekixiteta watitataweme me'utikiti
meta kutsirate mete'u'iti. Xewiti
miki tewi mawari wewiwamete
tiwa'aitiwame hetsia mieme
ti'uximayatame nakaya
kanawiteni tserietana
mieme. Peru Ketsutsi mipai
kaniutayini: —'Ari
xeketeneuhayewa. Hiki
'imayika nakaya
'aixia kaniuyurieni.



Merikite me'iwiya mekaneihana mawari wewiwamete
tiwa'aitiwame kiita mekani'atiani. Pekuru
kaniweiyakaitini yatewa.

Hiki takwa hixiapa
metinaika mana
mekaniutiyaxe meta
Pekuru wahamatia
kaniutiyerini.



Xewiti mawari
wewiwamete
tiwa'aitiwame
te'uximayatametemama,
Pekuru nakaya meukuwitekai
kanimarieyatikaitini, miki
mipai katinitahiawe: —¿Tami
ne nekamerexei harawerita
hamatiana peheyeikame?
Tawarita kaniuyuta'imani Pekuru, hiki
yapauka kaniutahiwa wakana.
Wayeyaka kaniutatsuani kwini
mieme tiyuhiwerieti.




Hiki yunaiti mekananuku'uni
mekaneihana mita'iwawiyarieniki
Piratu hetsia. Hiki Piratu mipai
katinita'iwawiya: —'Eki huriyutsixi
teiteriyari tiwa'aitiwame
petihiki? Miki mipai
katinita'eiya: —'Ekitsi
mipai pekanaineni. Piratu
tawari kaniwarutahiawe,
Ketsutsi xinamiti. Miki matsi

mekaniutihiwakaitini mipai
me'utiyuati: —Kuruxitsie


keneukawi, Kuruxitsie
keneukawi.




Hiki kaniwayetuirieni kuruxitsie
mimierieniki. Hiki Ketsutsi
mekanehana. Yukuruxi 'atiti
mana kaneyani Miki Mu'uya
Manuka mirakutewatsie
(hepirayutsixi waniukiki
Kurukuta mirakutewatsie).



Mana kuruxitsie mekanitiwieni,
meta yuhutame hamatiana
mekaniwarutiwitiani tapa
xeime tapata xeime,
Ketsutsi
wahixiata.



Tau 'uyireku 'ixuriki meuwiekai tuki 'amipata hixiata
kanitsane. Hiki Ketsutsi karima 'utahiwaka mipai
kaniutayini: —Ne'ukiyari, ne'iyari nepimatsihiritia.
Mipai 'utayika kaniumini.




Kutse 'arimateyatanaka kaninuani,
miki 'itsikate kaniwanikaitini'aixia
katinimatiwakaitini, meta
kanita'ikwewakaitini
Kakaiyari ti'aitametiti
mayaniki.

Kaniyuwairiya
Piratu hetsia miye'
aniki, Ketsutsi
kaxarieya
mitawawirieniki.



Miki rinu tsawanayari hekunaneka,
'ekakweka kaxari, tsawanaki
kanita' eima, teukiyapa
kaneitateni 'aitia
miwaye'inieriekaitsie,
meta tete kaneumani
teukiya kitenietsie.



Merikitsi 'uxa'arieka, pienixi 'utaxiku,
mawari wewiwamete
tewa'aitiwamete meta
paritseutsixi
mekaniuyukuxeirieni
Piratu hetsia,
mipai me'utiyuati:
...




... —Ti'aitame tame tepe'eriwa 'iya
tiyu'itaiyame kemainekai
'ayeyuriti 'akuxi: “Haika
tukari 'aye'ayu
nepanukukeni”.




Hiki miki mehekineka, teukiya
mekaneunani teteki, meta
mekaniyu'injaritiani,
metatsiere kuyaxi mana
mekaniwaru'uitiani
memihikaki.




Merikitsi 'uxipiya tukari 'utaxiku,
tumikuti ximeri yuimuana Mariya
Mararatanaka meta xewiti
Mariya matia mana
mekaniu' axiani
meixeiyaake teukiya.





Hiki kwie karima kaniutayuani,
taheima kanakaneni niuki tuayame
Ti'aitame hetsia mieme, hiki
nuaka teté kaneukihiani,
meta hetsienakanayerini.
Tehiwemete kuyaxi
me'imakati meput
iyiyiakaxi meta
marikaki mekanu
'amixiani.

Hiki niuki tuayame mipai
katiniwarutahiawe 'ukari:
—Xepikamamaka, ne mipai
nepitimate Ketsutsi
xepikuwautiwe,
kuruxitsie mumierie.
'Uwa pikayeka,
panukuke tiarie
kemainekai.



Xekenakini xeken
eutane nieri hakewa
matekiekai.



Hiki 'ukarawetsixi mekanayekine
meyumexiitiati teukiyapa meyekineka,
memamati peru waikawa
meyutemamawietī, meta
mekaniutinautsa
memitewataxatiani
teyi'ikitiwametemama.
Hiki mexi me'uhukai,
Ketsutsi



kaniwaranukunake,
hiki kaniwarutawairitiani.



Hiki miki hurawa mekaniukine,
'ikateya mekaniu'ini
meta mekaniutihixima'uni
hixiena.





'Imatiriekata matsiikiti kanayuyeitiani tamamata
heimana xewi teyi'ikitiwamete me'ixeyakaku
metekwakaku. Kaniwarutatieni yuri
memikate'eriekaiki, yu'iyaritsie memitsetse'ikaiki,
yuri memikatewaruta'eririki miki memixei 'anukukeku.
Merikitsi Ti'aitame Ketsutsi mipai tiwarutahiaweka,
taheima kananutiwitikieni, Kakaiyari tserieta kanayerini.



Kakaiyari 'ipai katiniwanaki'erieka
kwiepa memitama. Yuniwe muyuxewi
kaniyetuani memikatatimaiyarieniki,
yunaiti yuri memite'erie
hetsiena, tukari mikaxiwe
memexeianiki pita.



Xumatari 3:23 'Axamepite'uyuri yunaiti, yunaiti
mepika'aye'axiawawe Kakaiyari witsimitiwaxeiyaki,

Xumatari 6:23 Kamitsi, kemi'ane 'axamitiuyuri, miki miyaki
'apirapiniyarieni, peru 'imikieri Kakaiyari mitatsiyetuirie,
tukari mikaxiwe kanihikitini Tati'aitiwame Kiritsitu Ketsutsi
hetsie tetewiyakaku.

Hepirayutsixi 9:27 Teiteri wahetsie katininakimiki xeimieme
memikwiniki, 'ariketa 'itsikame kaniwatahiawimiki.

'Epetsutari 2:8,9 Mipai 'aixia mitiuka'iyariki,
'ayumieme xeputawikweitsitiae yuri xete'eriet. Peru
kexemite'utawikweitsitiae, yikimana xepika'
utawikweitsitiae. Kakaiyari pita yakatinixe'upitani.
Tixaiti xemite'uyuriki xepika'utawikweitsitiae.
'Ipai nepaine kapa xewiti naki'akaki yikimana.



Xumatari 10:9,10 Mipai paine: xika 'ateniki peti'ahekiatiaka
Ketsutsi hetsie petiwiyaTi Ti'aitame kemitihiki, xika 'a'iyariki
yuri peti'erieka kename Kakaiyari henukuketia mikite
watsata, pekanitawikweitsitariemiki.

Yu'iyariki tewi yuri piti'erie heitserie mipitarieniki.
Yuteniki pitiyuhekiatia mitawikweitsitarieniki.

Wani 3:16,17 Kakaiyari 'ipai katiniwanaki'erieka
kwiepa memitama. Yuniwe muyuxewi kaniyetuani
memikatatimaiyarieniki, yunaiti yuri memite'erie
hetsiena, tukari mikaxiwe memexeianiki pita.
Kakaiyari kwiepa kemireiyeni'a yuniwe, mipai pikatiuyuri
miwaranutaxirieniki kwiepa memitama. Matsi kwiepa
memitama memitawikweitsitarieniki kimana,
'ayumieme pita kaneiyeni'ani.



1 Wani 5:11-13 Mipai paine tita mitihekata: Kakaiyari
kataniupitiani tukari mikaxiwe, nu'ayatsie kanixuaweni miki
tukari. Kemi'ane nu'aya mexeiya, tukari pexeiya, kemi'ane
Kakaiyari Nu'aya mikahexeiya, tukari pikahexeiya. 'Iki
nepitixe'uti'utiiri xeme yuri xemite'erie kemi'ane Kakaiyari
nu'aya mihikitsie, xemitemaikaki tukari
mikaxiwe xepexeiya.



Mateu 26-28; Rukaxi 22-24; Wani 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Huichol Bible (hch) © 2020,
Wycliffe Bible Translators, Inc.

<https://live.bible.is/bible/HCHWYI/GEN/1>

©2026 Bible for Children, Inc.

www.M1914.org

www.bibleforchildren.org

